



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA 12

ISIXHOSA ULWIMI LOKUQALA OLONGEZELELWEYO (FAL)

IPHEPHA LESITHATHU (P3)

NOVEMBA 2017

IMEMORANDAM

AMANQAKU: 100

Le memorandam inamaphepha ali-12.

ICANDELO A: ISINCOKO

UMBUZO 1

Imiyalelo yokumakisha

- Kweli candelo umviwa ukhetha isincoko sibesiNYE. Xa ekhethe zaziBINI, makisha esokuqala.
- **QAPHELA:** Umviwa angabhala naluphi udidi lwesincoko ngesihloko asikhethileyo.
- Ubude besincoko bumele ukuba kwisithuba samagama ali-190 ukuya kuma-240.
- Sebenzisa irubriki esisihlomelo A ukumakisha esi sincoko.

1.1	Isihloko:	Andizange ndonwaba kangako.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi okhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angasebenzisa nawuphi kule mixholo ilandelayo. Angabhala ngesiganeko/isenzo esithile esamzisela ulonwabo/ ifuthe laso. [Naziphi izimvo zomfundi ezisemxholweni ziya kwamkeleka.]	
1.2	Isihloko:	Ututshala endimthandayo.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi okhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angasebenzisa nawuphi kule mixholo ilandelayo. Angabhala ngotutshala amthandayo/izizathu zokumthanda kwakhe/impembelelo katutshala lowo ebomini bakhe/kwabanye abantu/ixabiso likatutshala jikelele/ angamthelekisa ututshala nabanye. [Naziphi izimvo zomfundi ezisemxholweni ziya kwamkeleka.]	
1.3	Isihloko:	Ipalamente.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi okhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angasebenzisa nawuphi kule mixholo ilandelayo. Angabhala ngokusekwa kwepalamente/ukuhlonitshwa kwayo/imisebenzi yayo/iinkqubo zayo/unxulumano lwayo nedemokhrasi/ukuziphatha kwamalungu epalamente. [Naziphi izimvo zomfundi ezisemxholweni ziya kwamkeleka.]	

1.4	Isihloko:	Liyinyaniso elithi ...	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi okhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angasebenzisa nawuphi kule mixholo ilandelayo. Angabhala nangayiphina intetho, abonise ubunyani bayo/angabhala isiganeko okanye isenzo esibonisa oko/anganika iingcebiso nezilumkiso. [Naziphi izimvo zomfundi ezisemxholweni ziya kwamkeleka.]	
1.5	Isihloko:	Ukusetyenziswa kwamakhasi onxibelelwano kwezoshishino.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi okhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angasebenzisa nawuphi kule mixholo ilandelayo. Angabhala ngoncedo lwala makhasi onxibelelwano/indlela ekhawulezayo yokunyusa umgangatho weshishini elo/ukuthengisa nokubhengeza imveliso/ukusetyenziswa gwenxa kwala makhasi. [Naziphi izimvo zomfundi ezisemxholweni ziya kwamkeleka.]	
1.6	Isihloko:	Umntu ngumntu ngabantu.	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi okhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angasebenzisa nawuphi kule mixholo ilandelayo. Angabhala aphuhlise ubunyani beli qhalo/angabalisa ngamava akhe okuncedwa/okunceda omnye umntu/angayiphikisa le ntetho ebeka ezakhe izizathu ngokwamava akhe. [Naziphi izimvo zomfundi ezisemxholweni ziya kwamkeleka.]	

1.7.1	Isihloko:		
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi okhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angasebenzisa nawuphi kule mixholo ilandelayo. Angabhala ngendlela eya empumelelweni/uhambo abeluhambile okanye aza kuluhamba/imingeni ejongene nempumelelo/kuba mnyama kuphinde kukhanye/umzingisi akanashwa/impumelelo isentabeni. [Naziphi izimvo zomfundi ezisemxholweni ziya kwamkeleka.]	

[50]

1.7.2	Isihloko:		
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi okhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angasebenzisa nawuphi kule mixholo ilandelayo. Impumelelo yomntu isezandleni zakhe/Inkxaso yabazali kubantwana babo/amalungelo abantwana/uthando oluvela kusapho jikelele/impetho-mpi emakhaya/ukwakha nokubumba ingomso lomntwana. [Naziphi izimvo zomfundi ezisemxholweni ziya kwamkeleka.]	

[50]

IIMPAWU ZESINCOKO

Isincoko esibalisayo

- Sibhalwa kumntu wokuqala okanye owesithathu.
- Makasebenzise ixesha eladlulayo/elidlulileyo/elimiyo.
- Makabonise ulwazi ngesihloko asikhethileyo.
- Abalinganiswa, isimo sentlalo, izizathu zokuhla kwezehlo ukuya kwisiphelo, mazibonakale.
- Iziganeko zichazwe/zibaliswe ngokulandelelana kwazo okanye zicace ezingunobangela wezinye, kungenjalo angasebenzisa izixhobo ezifana nophuphelo okanye ukuqala ngesenzo esingekeli/sokugqibela.
- Sisebenzisa amagama abonisa ixesha afana noo-emva, phambi, ngeli xesha.
- Sisebenzisa intetho yababini/ukuzithethela kwabalinganiswa.
- Ulwimi olusetyenzisiweyo malube lolokudala ifuthe noluchukumisayo kofunda isincoko, lungekrwada phofu.

Isincoko esichazayo

- Sinokubhalwa ngokwexesha elidlulileyo okanye elangoku.
- Sichaza into/umntu/indawo/imeko, njalo njalo.
- Sisebenzisa amagama okudala umfanekiso.
- Sisebenzisa izixhobo zokuchaza ezifana nezichazi, imifanekiso-ntelekelelo, izihlomelo, neziphuhlisayo ezifana nezifanekisozwi kwakunye nezafobe zentetho.
- Sisebenzisa imifanekiso-ntelekelelo nezafobe.
- Sivakalisa iimvakalelo zombhali.

Isincoko esicamngcayo.

- Siveza uvakalelo lombhali ngesigama esibonakalisa amava akhe.
- Siveza uchukumiseko ngomba ekubhalwa ngawo.
- Uvakalelo olungundoqo ludlala indima enkulu.
- Ubukhulu becala esi sincoko siyachaza. (Sisebenzisa izixhobo zokuchaza ezifana nezichazi, imifanekiso - ntelekelelo, izihlomelo, neziphuhlisayo ezifana nezifanekisozwi kwakunye nezafobe zentetho).
- Uvakalelo lombhali maluveze ukunyaniseka kunye nokubandakanyeka.

Isincoko esixoxela icala elinye.

- Umviwa uthatha icala ngomba othile.
- Uthotho lweengxoxo – oludla ngokuba kwimo engengcaciso ngeengongoma ezithile.
- Ukubethelela – isishwankathelo nokuphindelela kwinkcazelo engoluvo oluthile lokuvula.
- Kwingxoxo yakhe unika ubungqina obuxhasayo obusenokuba ngamanani okanye ukucaphula kumava anawo ayinyani.
- Usenokuxoxela okuthile echasa enika ubungqina obuxhasayo.
- Isiphelo sisenokuba sisishwankathelo neengcebiso.

Kwisincoko esixoxela amacala omabini

- Inkcazelo engomba inokuba ngengxoxo ephambili.
- Umviwa uwaphatha omabini amacala engxoxo.
- Uxoxela okuthile enika ubungqina obuxhasayo.
- Unokulandela isakhiwo esithi umhlathi umela uluvo oluvumayo, kolandelayo, luchase, kungenjalo avume ekuqaleni komhlathi aze achase ekupheleni, kodwa makalunike olwakhe uluvo xa evala.
- Unokuxoxela okuthile echasa/evuma nokunika ubungqina obuyinyani obuxhasayo.
- Isiphelo – isishwankathelo neengcebiso.
- Makabonise ulwazi ngesihloko nangomba axoxa ngawo.

[50]

AMANQAKU ECANDELO A: 50

ICANDELO B: UMHLATHI OMDE

Imiyalelo yokumakisha

- Kweli candelo umviwa ukhetha umhlathi ubeMNYE. Ukuba ukhethe yaMIBINI, makisha owokuqala.
- Ubude bomhlathi omde mabube ngamagama angama-80 ukuya kwi-100 umxholo kuphela.
- Sebenzisa irubriki esisihlomelo B ukumakisha lo mhlathi.

UMBUZO 2

2.1 ILETA YOBUHLOBO

- Idilesi inye yeyomntu obhala ileta.
- Isibuliso –mbize ngegama lo mntu umbhalelayo.
- Intshayelelo, isiqu nesiphelo mazahluke zicace.
- Ithoni nerejista mazibonakalise ukuba ubhalela isihlobo sakho.
- Umxholo mawube ngowokubulela inkxaso athe wayifumana ekukhuleni kwakhe.
- Kwisiphelo kubhalwa igama kuphela.
- Izingxi azisetyenziswa kwidilesi, isibuliso nesiphelo.

[30]

2.2 IOBHITSHUWARI

- Igama elipheleleyo lomntu oswelekileyo.
- Umhla wokuzalwa, indawo azalelwe kuyo nabazali bakhe.
- Ukukhula kwakhe, ukufunda nokusebenza kwakhe kubandakanywe negalelo lakhe kwezemidlalo.
- Ukugula kwakhe.
- Umhla wokusweleka.
- Usapho alushiya ngasemva.
- Amazwi amkhaphayo aquka neziduko.

[30]

2.3 INQAKU LEMAGAZINI

- Isihloko masibe sifutshane sidlwengule umxholo.
- Inqaku malibe lelinika ulwazi luthi ndifunde ukuze litsale umdla womlesi.
- Malifundeke lula inqaku lahlulwe ngokwezintlu.
- Ubhalo malulungelelaniswe lwahlulwe ngokwemihlathi kubekho intshayelelo, isiqu nesiphelo.
- Umbhali makakhankanywe.
- Ithoni, isimbo mazihambelane nomxholo wenqaku.
- Umxholo mawuchaphazele iingcebiso malunga nemfundo yamahala kumaZiko eMfundo ePhakamileyo eMzantsi Afrika.

[30]

2.4 UDLIWANO-NDLEBE

- Makulandelwe imigaqo yokubhala udliwano-ndlebe.
- Kwintshayelelo obuza imibuzo unika imvelaphi yomntu ambuzayo.
- Qala kumgca osekho ubhale igama lesithethi lilandelwe yikholoni.
- Umxholo mawube malunga nemiba yoqeqesho.
- Ithoni, nerejista ilungele injongo nohlobo lwentetho.
- Ulwimi malube nomtsalane ukuze ungapheli umdla wabaphulaphuleyo.
- Makuqunyelwe ngendlela efanelekileyo.

[30]

AMANQAKU ECANDELO B: 30

ICANDELO C: UMHLATHI OMFUTSHANE

Imiyalelo yokumakisha

- Kweli candelo umviwa ukhetha umhlathi ubemNYE, ukuba ukhethe yamiBINI, makisha owokuqala.
- Ubude bomhlathi omfutshane ngama-60 ukuya kuma-80 amagama umxholo kuphela.
- Sebenzisa irubriki esisihlomelo C ukumakisha lo mhlathi.

UMBUZO 3

3.1 IFLAYA

- Igama lalo gqirha.
- Umhla wokuvulwa kwesejari, amaxesha okuvula nokuvala.
- Idilesi apho isejari ikhoyo.
- Amaxabiso kagqirha.
- Indlela yokunxibelelana isenokuba yimfono-mfono, unomyayi, ifekisi okanye i-imeyile.

[20]

3.2 UNGENISO LWEDAYARI

- Ibhalwa ngohlobo olukhethekileyo okanye olwejenali.
- Makalandele umyalelo weentsuku ezi-6 zongeniso lwedayari.
- Makubonakale umhla, usuku, unyaka nexesha xa iziganeko zenzeke ngamaxesha ahlukeneyo.
- Ibhalwa ngolwimi olungekho sikweni.
- Umxholo mawube ngowamalungiselelo osuku lokuhlonipha amalungelo oluNtu.

[20]

3.3 IZALATHISI

- Phuma e*Delft Sport Complex* ungene ngesitalato i*Boyce*.
- Hamba ngesitalato i*Boyce*.
- Wakuhlangana ne*Lully Str*, jika ekhohlo.
- Hamba ngayo umganyana ude uhlangane ne*Delft Main Rd* enqamlezileyo, uze uthathe isandla sasekunene.
- Hamba ngqo nge*Delft Main Rd*, ugudle irenki ebhalwe *Uncedo Taxi Rank* engasekhohlo ude uhlangane ne*Mango Str* esekhohlo ungene ngayo.
- Ekunene kwakho uhamba njalo, uza kubona i*Frank Str* ungayihoyi ubheke phambili de uhlangane ne*Gibbs Str*.
- Yinqumle i*Gibbs Str* uhamba njalo uhlangane ne*Grieg Str* nayo uyinqumle.
- Usahamba njalo, ekunene uza kubona i*Holst Str* ungayihoyi, uqhube ude uhlangane ne*Purcell Str* enqamlezayo.
- Thatha isandla sasekhohlo kwikona apho uya kube sele ubona isakhiwo se*Post office* kwalapha kwi*Purcell Str*.
- Hamba ngayo ngqo, ekunene kuza kube kukho isakhiwo se*Bambi Educare* uhambe ude ufike esangweni elikwisandla sakho sokunene.
- Ngena ngalo ke. Woba ufikile ke e*Bambi Educare*.

[20]

AMANQAKU ECANDELO C: 20
AMANQAKU EWONKE: 100

QAPHELA:

- Sebenzisa le rubriki rhoqo xa umakisha izincoko zephepha lesi-3, ICANDELO A.
- Amanqaku ukusukela kweli-0 ukuya kwangama-50 ahlulahlulwe ngokwamanqanaba amahlanu aphambili.
- Kwiikhrayitheriya yoMxholo, uLwimi neSimbo, inqanaba ngalinye kula mahlanu lahlulahlulwe lanomgangatho ongentla nongezantsi yanemimandla yamanqaku ahambelana nomgangatho ngamnye.
- Ikhrayitheriya yeSakhiwo yona ayichaphazeleki ngumgangatho ongentla nongezantsi.

ISIHLOMELO A: IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU]

Ikhayitheriya		Balaseleyo	Enobuchule	Phakathi	Buthathaka	Bubhetyebhetye
UMXHOLO NOCWANGCISO		28–30	22–24	16–18	10–12	4–6
(Impendulo nezimvo) Ukubekelwa izimvo ngenjongo yokucwangcisa. Ukubonakalisa ukuyazi injongo, abantu ekujoliswe kubo kunye nemeko.	Umgangatho ongentla	-Impendulo ebalaseleyo enomtsalane, ngaphaya kobekulindelekile. -Izimvo zihlakaniphile, zixhokonxa iingcinga kwaye zinemfezeko. -Isincoko sibekelwe ngobuchule obungaqhelekanga kwaye intshayelelo, isiqu kwakunye nesiphelo zibonakalisa unamathelwano olunemfezeko.	-Impendulo ixonxwe ngobugcisa obukhulu. -Izimvo zinxulumene nomxholo kwaye zinika umdla, bukho ubungqina bemfezeko kwizimvo. -lingcamango zibekelwe ngokwakhelanayo kuquka intshayelelo, isiqu nesiphelo.	-Impendulo iyanelisa ngokupheleleyo. -Izimvo ziyamathelana noko kwaye zingakuguqula ukucinga kofundayo. -lingcamango zibekelwe ngokunamatheleneyo kuquka intshayelelo, isiqu nesiphelo.	-Impendulo ingena iphuma emxholweni akukho lunamathelwano kwizimvo. -Izimvo azicacanga kwaye ezinye zazo zezemboleko. -Buncinci kakhulu ubungqina bobekelwano nonamathelwano lweengcamango.	-Impendulo ayikho mxholweni konke konke. -Izimvo zibondene azingqalanga ntweni. -Azivakali izimvo kwaye ziyaphindaphindwa/ uthetha into enye. -lingcamango zibekwe xazalala azinalunxibelelwano.
30 AMANQAKU	Umgangatho ongezantsi	25–27	19–21	13–15	7–9	0–3
		-Impendulo encamisileyo kodwa akukho zimpawu zakubalasela kubhekele phi kwisincoko. -Izimvo zivuthiwe zixhokonxa iingcinga. -lingcamango zibekelwe zandindaniswa ngobugcisa kuquka intshayelelo, isiqu kunye nesiphelo.	-Impendulo ixonxwe ngobugcisa. -Izimvo zisemxholweni kwaye zinika umdla. -Sibekelwe ngobuchule, kukho ukunamathelana kweengcamango okuquka intshayelelo, isiqu nesiphelo.	-Impendulo iyanelisa nangona kumana kubakho ukungacaci kwiindawo ezithile. -Kukho ukunamathelana okubonakalayo kwizimvo kwaye kuyanelisa. -Kukho ukubekelwa kweengcamango nonamathelwano kwintshayelelo, isiqu nesiphelo.	-Impendulo iphumile emxholweni ubukhulu becala. -Izimvo ziyaqhawu-qhawuka ziyabhidisa. -Buyanqaphazeka ubungqina bokubekelwano kweengcamango nonamathelwano.	-Impendulo itenxile malunga nomxholo. -Izimvo zitenxile zingcwecwela kude nomxholo. -lingcamango ziyingxubevange engenamgqalisela.

IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU] (isaqhubeka)

Ikhrayitheriya		Balaseleyo	Enobuchule	Phakathi	Buthathaka	Bubhetyebhetye
ULWIMI, ISIMBO & NOKUHFLELA		14–15	11–12	8–9	5–6	0–3
Ukuhambelana kwethoni, irejista, isimbo, isigama kunye nemeko Ukhetho-magama Ukusetyenziswa kolwimi nesigama limpawu zobhalo, izakhi zezivakalisi, nopelo	Umgangatho ongentla	-Ithoni, irejista, isimbo, isigama zifanelene ngokugqwesileyo nenjongo, abantu ekujoliswe kubo kunye nemeko. -Ulwimi lusetyenziswe ngokuzithemba, luyathabathekisa. -Ithoni enomtsalane nezafobe zentetho eziphumeza injongo. -Phantse kube akukho nasinye isiphene solwakhiwo zivakalisi, upelo nokusetyenziswa kolwimi. -Sixonxwe ngobugcisa obukhulu.	-Ithoni, irejista, isimbo, isigama zifanelene kakhulu nenjongo, abantu ekujoliswe kubo kunye nemeko. -Ulwimi luchaneke ngakumbi kwaye ithoni isetyenziswe ngokuchaneke kwisincoko siphela. -Iziphene zokusetyenziswa kolwimi nopelo zinqongophele. -Sixonxwe ngobugcisa obukhulu.	-Ithoni, irejista, isimbo, isigama sifanelene nenjongo, abantu ekujoliswe kubo kunye nemeko. -Ulwimi olufanelekileyo ludlulisa umyalezo. -Ithoni ifanelekile. -Izafobe zentetho zinonga umxholo.	-Ithoni, irejista, isimbo, isigama azifanelananga ncam nenjongo, abantu ekujoliswe kubo kunye nemeko. -Ulwimi lusetyenziswa ngendlela ebuthathaka. -Ithoni nochongo magama azifanelekanga. -Isigama sinqongophele.	-Ulwimi aluvakali. -Ithoni, irejista, isimbo, isigama asifanelananga kwaphela nenjongo, abantu ekujoliswe kubo kunye nemeko. -Ukunqongophala kwesigama kubaxekile kangangokuba ayinasihlahla into ebhaliweyo.
15 AMANQAKU	Umgangatho ongezantsi	13	10	7	4	
		-Ulwimi luchaneke kanye nezafobe zisetyenziswe ngethoni ephumeza ukudlulisa umyalezo. -Phantse kube akukho nasinye isiphene solwakhiwo zivakalisi, upelo, nokusetyenziswa kolwimi. -Sixonxwe ngobugcisa obukhulu.	-Ulwimi lunomtsalane kwaye luyaziphumeza iinjongo zokubhala. -Ithoni ifanelekile kwaye iyaziphumeza iinjongo zokubhala. -Zimbalwa iziphene zezakhi zezivakalisi kunye nopelo. -Sixonxwe ngobugcisa.	-Kuyanelisa ukusetyenziswa kolwimi kodwa asekho amakhwiniba. -Ithoni ifanelekile kodwa izafobe zentetho ezisetyenzisiweyo zinqongophele.	-Ukusetyenziswa kolwimi kubonisa ububhetyebhetye. -Izivakalisi zinobuthathaka-azitshintsha-tshintshwa. -Isigama sinqongophele ngokubalaseleyo.	
ISAKHIWO		5	4	3	2	0–1
limpawu zetekisi Ukukhula kwemihlathi nokwakhiwa kwezivakalisi		Isihloko sikhuliswe ngokuncamisayo. -linkcukacha zibalasele ngokungaqhelekanga. -Izivakalisi, imihlathi zakhiwe zaqiqiswiwa ngokugqwesileyo.	-linkcukacha ezinengqiqo zikhuliswe ngokwakhelanayo. -Izimvo zinamathelene. -Izivakalisi, imihlathi zitshintshatshintshwa ngobuchule obuqiqisisiweyo.	-linkcukacha ezisemxholweni zikhuliswe. -Izivakalisi, imihlathi zakhiwe kule. -Isincoko sibunjwe ngengqiqo.	-Zikho iingcamango ezamkelekileyo. -Isakhiwo sezivakalisi nesemihlathi sinamakhwiniba. -Isincoko sisenayo ingqiqo.	-lingcamango ezifunekayo zinqongophele. -Isakhiwo sezivakalisi nesemihlathi sigxoko-gxoko. -Isincoko asinangqiqo.
5 AMANQAKU						
UMMANDLA WAMANQAKU		43–50	33–40	23–30	13–20	0–10

ISIHLOMELO B: IRUBRIKI YOKUHLOLA IMIHLATHI EMIDE– ULWIMI LOKUQALA OLONGEZELELWEYO [30 AMANQAKU]

Ikhrayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO, UCWANGCISO NEFOMATHI Ukungqala kwempendulo nezimvo. Ukuqoqwa kwezimvo ngenjongo yokucwangcisa. Injongo yokubhala, abo kujoliswe kubo, iimpawu/imigaqo yetekisi, kunye nemeko. 18 AMANQAKU	15–18 -Impendulo igqwesile idlule okuqhelekileyo. -Izimvo ziqiqisisiwe kwaye zivuthiwe. -Luphangalele ulwazi lweempawu zolu didi lwetekisi. -Umsebenzi ungqalile uhleli emxholweni. -Kukho ukunamathelana kwizimvo nomxholo. -lingcamango zidakancwe ngobunono zonke iinkcukacha zixhasa isihloko. -Ifomathi ifanelekile kwaye ichanekile.	11–14 -Impendulo ibonakalisa ukuchaneka kanobom ulwazi olunzulu lweempawu zolu didi lwetekisi. -Ingqalile ayiphumi nasemxholweni. -Izimvo zixoxwe zadakancwa ngokunamatheleneyo kumxholo nezimvo. -Iinkcukacha zixhasa isihloko. -Ifomathi ifanelekile ineendawana ezingachanekanga ezingephi.	8–10 -Impendulo iyanelisa ibonakalisa ulwazi lweempawu zolu didi lwetekisi. -Izimvo ziyaphuma emxholweni kwaye kukho nokugqwidiza. -Ukunamathelana kumxholo nezimvo kufanelekile. -Ezinye iinkcukacha zixhasa isihloko. -Ifomathi ifanelekile kodwa kusekho ukungachaneki.	5–7 -Impendulo ibonakalisa ulwazi olungephi lweempawu zolu didi lwetekisi. -Zimbalwa izimvo ezisemxholweni kodwa kuninzi ukuphuma ecaleni. -Kunqabile ukunamathelana komxholo nezimvo. -Zimbalwa iinkcukacha ezixhasa isihloko. -Imigaqo yefomathi ephambili isetyenziswe ngokungaqondi. -Kutyeshelwe izinto ezininzi.	0–4 -Impendulo ibonakalisa ukunqongophala kolwazi lweempawu zolu didi lwetekisi. -Intsingiselo ilahleka rhoqo ide iphume emxholweni. -Akukho ukunamathelana kumxholo nezimvo. -Zimbalwa kakhulu iinkcukacha ezixhasa isihloko. -Imigaqo eyimfuneko yobhalo lwale tekisi ityeshelwe.
ULWIMI ISIMBO SOKUBHALA NOKUHLALA Ithoni, irejista, isimbo, injongo/ifuhe, abo kujoliswe kubo kunye nemeko. Ukusetyenziswa kolwimi nemigaqo. Uchongo magama lompawu zokubhala kunye nopelo. 12 AMANQAKU	10–12 -Ithoni, irejista, isimbo, isigama zihambelana kakhulu nenjongo nabo kujoliswe kubo kunye nemeko. -Izakhi zezivakalisi zisetyenziswe ngokuchanekileyo. -Phantse kube akukho nasinye isiphene.	8–9 -Ithoni, irejista, isimbo, isigama sichaneke kakhulu malunga nenjongo, abantu ekujoliswe kubo kunye nemeko. -Izakhi zezivakalisi zichanekile kwaye umyalezo wakheke kakuhle. -Isigama sichanekile. -Ubukhulu becala akukho zimpazamo.	6–7 -Ithoni, irejista, isimbo, isigama sihambelana nenjongo, abantu ekujoliswe kubo kwakunye nemeko. -Izakhi zezivakalisi zibonakalisa iimposiso. -Isigama siyanelisa. -Iimpazamo zobhalo ezikhoyo aziyiphazamisi intsingiselo nomyalezo.	4–5 -Ithoni, irejista, isimbo, nesigama azingqamani nenjongo kwakunye nabantu ekujoliswe kubo kunye nemeko. -Izakhi zezivakalisi zineemposiso ezininzi eziphazamisa umyalezo. -Sinqongophele isigama. -Kukho amagingxi-gingxi kwintsingiselo.	0–3 -Ithoni, irejista, isimbo, nesigama azingqamani nenjongo, imeko kwakunye nabantu ekujoliswe kubo. -Izele ziimpazamo ixazalala. -Isigama asifanelananga nenjongo. -Intsingiselo ilahleke kakhulu.
UMMANDLA WAMANQAKU	25–30	19–23	14–17	9–12	0–7

ISIHLOMELO C: IRUBRIKI YOKUHLOLA IMIHLATHI EMIFUTSHANE – ULWIMI LOKUQALA OLONGEZELELWEYO [20 AMANQAKU]

Ikhrayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO UKUCWANGCISA NEFOMATHI Impendulo nezimvo Ukubekelwa kwezimvo limpawu zetekisi/ umgaqo kunye nemeko 12 AMANQAKU	10–12 -Impendulo igqwesile ibonisa ukuqisiswa kwezimvo. -Izimvo zihlakaniphile kwaye zivuthiwe. -Luphangalele ulwazi lweempawu zolu didi lwetekisi. -Umsebenzi ungqalile akukho kugqwidiza. -Kubonakala ukunamathelana kwizimvo nomxholo. -lingcamango zidakancwe ngobunono kwaye zonke iinkcukacha zixhasa isihloko. -Ifomathi ifanelekile kwaye ichanekile.	8–9 -Impendulo ibonakalisa ukuchaneka kanobom ulwazi olunzulu lweempawu zolu didi lwetekisi. -Ingqalile ayiphumi nasemxholweni. -Izimvo zixonxwe zadakancwa ngokunamatheleneyo kumxholo nezimvo. -iinkcukacha zixhasa isihloko. -Ifomathi ingqalile iindawana ezikhoyo ezingachanekanga aziyiphazamisi injongo yokubhala.	6–7 -Impendulo iyanelisa ibonakalisa ulwazi lweempawu zolu didi lwetekisi. -Izimvo azisoloko zisemxholweni kwaye kukho nokugqwidiza. -Ukunamathelana kumxholo nezimvo kwenzeka ngokufanelekileyo. -Ezinye iinkcukacha zixhasa isihloko. -Ifomathi ingqalile kodwa zikho iindawana ezingachanekanga.	4–5 -Impendulo ibonakalisa ubunzima malunga nolwazi lweempawu zolu didi lwetekisi. -Zimbalwa izimvo ezisemxholweni kodwa kuninzi ukuphuma ecaleni. -Kunqabile ukunamathelana komxholo nezimvo. -Zimbalwa iinkcukacha ezixhasa isihloko. -Imigaqo yefomathi ephambili ityeshelwe okanye isetyenziswe ngokungaqondi.	0–3 -Impendulo ibonakalisa ukunqongophala kolwazi lweempawu zolu didi lwetekisi. -Intsingiselo ilahleka rhoqo kukho Intsingiselo iduke kwisakhiwo esixazalala. -Akukho ukunamathelana kumxholo nezimvo. -Zimbalwa kakhulu iinkcukacha ezixhasa isihloko. -Imigaqo eyimfuneko yobhalo lwale tekisi ityeshelwe.
ULWIMI, ISIMBO NOKUHELELA Ithoni, irejista, isimbo, nesigama singqamene nenjongo kunye nemeko Ukusetyenziswa kolwimi nemigaqo Ukhetho- magama limpawu zokubhala kunye nopelo 8 AMANQAKU	7–8 -Ithoni, irejista, isimbo, isigama zifanelene kakhulu nenjongo, abo kujoliswe kubo kunye nemeko. -Izakhi zezivakalisi zisetyenziswe ngokuchanekileyo. -Phantse kube akukho nasinye isiphene.	5–6 -Ithoni, irejista, isimbo, nesigama sifanelene kakhulu nenjongo, abantu ekujoliswe kubo kunye nemeko. -Izakhi zezivakalisi zichanekile kwaye umyalezo wakheke kakuhle. -Isigama sichanekile. -Ubukhulu becala azikho iimpazamo.	4 -Ithoni, irejista, isimbo, isigama sifanelene nenjongo, abantu ekujoliswe kubo kwakunye nemeko. -Izakhi zezivakalisi zibonakalisa iimposiso. -Isigama siyanelisa. -Iimpazamo zobhalo ezikhoyo aziyiphazamisi intsingiselo.	3 -Ithoni, irejista, isimbo, nesigama azifanelananga nenjongo, abantu ekujoliswe kubo kunye nemeko. -Izakhi zezivakalisi zineemposiso ezininzi eziphazamisa umyalezo. -Sinqongophele isigama. -Kukho amagingxi-gingxi kwintsingiselo.	0–2 -Ithoni, irejista, isimbo, nesigama azifanelananga nenjongo, imeko kwakunye nabantu ekujoliswe kubo. -Izele ziimpazamo ixazalala iyadida. -Isigama asihambelani nenjongo. -Intsingiselo ilahlekile kakhulu.
UMMANDLA WAMANQAKU	17–20	13–15	10–11	7–8	0–5